

## কয়রায় প্রাথমিক বিদ্যালয় রেজিস্ট্রেশনে অনিয়মের অভিযোগ

খুলনা জেলার কয়রা থানার অধিকাংশ নবনির্মিত প্রাথমিক বিদ্যালয়কে ১৯৮৯ সালের রেজিস্ট্রেশন আইনের ৪ (২) ধারা উপেক্ষা করে রেজিস্ট্রেশন প্রদান করা হয়েছে। থানা শিক্ষা কর্মকর্তা এবং জেলা প্রাথমিক শিক্ষা কর্মকর্তাকে উৎকোচের বিনিময়ে বিদ্যালয়গুলোর রেজিস্ট্রেশন প্রদান করা হয়েছে বলে কয়েক উজন অভিযোগ রয়েছে। ভৌগোলিক পরিচয় হিসেবে কয়রা থানার আয়তন ১০২ বর্গকিলোমিটার। এখানে সরকারি প্রাথমিক বিদ্যালয় রয়েছে ৫৪টি। ইতিমধ্যে আরো ৫০টি বিদ্যালয়কে রেজিস্ট্রেশন প্রদান করা হয়েছে এবং আরো ১০/১২টি বিদ্যালয় রেজিঃ প্রাপ্তির অপেক্ষায় রয়েছে। থানার ৭টি ইউনিয়নের মধ্যে মহেশ্বরীপুর

ইউনিয়নে ইতিমধ্যে ২০টিরও উর্ধ্ব প্রাথমিক বিদ্যালয়ে রেজিস্ট্রেশন প্রদান করা হয়েছে। আরো ৪/৫ টি রেজিস্ট্রেশনের অপেক্ষায় রয়েছে। এক বর্গকিলোমিটার আয়তনভুক্ত গ্রামে ৫/৬টি পর্যন্ত বিদ্যালয়ে রেজিস্ট্রেশন প্রদান করা হয়েছে। অথচ কাগজ কলমে একটি বিদ্যালয় থেকে অপর বিদ্যালয়ের দূরত্ব দেখানো হয়েছে ২ থেকে আড়াই কিলোমিটার। অপরদিকে বিদ্যালয়গুলোতে উপস্থিত হয়ে দেখা গেছে, প্রকৃত ছাত্র-ছাত্রীদের সংখ্যা ১০/১২ অথচ খাতা-কলমে দেখানো হয়েছে ১৫০ থেকে ১৭০ জন। উচ্চপর্যায়ের তদন্ত হলে সরকার প্রতি মাসে লাখ লাখ টাকার অপচয় থেকে রক্ষা পাবে। কয়রা থেকে মোজাফফর হোসেন নিম্ন।